

Morning Dogri (NSD) National News Bulletin 15-04-2024

आकाशवाणी

खबरां विकास शर्मा कोला।

1. विदेश मंत्री डॉ. एस. जयशंकर होरें ईरान ते इजराइल दे विदेश मंत्रिणं दे कन्नै टैलीफोन पर गल्लबात करियै उनेंगी तनोतनी थमां बचने ते कूटनीति बक्खी परतोने दी गुजारश कीती।
2. लोकसभा चुनाएं दे पैहले गेड़ दे मतदान च हुन त्रै ध्याड़े बकाया रेही गे न ते चुनां प्रचार अपने चरम पर पुज्जी गेदा ऐ।
3. लोकसभा चुनाएं गी दिक्खदे होई बक्ख-बक्ख सियासी पार्टिणं दे प्रमुख नेता मुख्य भरे च रैलियां ते रोड शो करै करदे न।
4. मौसम विभाग नै मुख्य दे उत्तर पच्छमी हिस्सें च बरखा ते अंधी-झक्खड़ अगले 24 घंटे तगर जारी रौहने दी पेशगोई कीती ऐ।
5. आईपीएल क्रिकेट च चेन्नई सुपर किंग्स नै मुंबई इंडियन्स गी 20 रजें कन्नै ते कोलकाता नाईट राईडर्स नै लखनऊ सुपर जायंटस गी 8 विकेटें कन्नै हराई दित्ता ऐ।

<><><><><><>

Jaishankar

विदेश मंत्रालय नै इजराइल ते ईरान बश्कार बधै करदी तनोतनी पर चैंता जाहर कीती ऐ। मंत्रालय नै आक्खेआ जे भारत, इजराइल ते ईरान बश्कार बिगड़दे हालात गी लेइयै गंभीर तौर पर चिंतित ऐ। एह्दे नै खित्ते च रमानदारी ते सुरक्षा गी खतरा ऐ। मंत्रालय नै आक्खेआ ऐ जे ओह मजूदा हालात पर लगातार तक्क रक्खा करदा ऐ ते दौनें मुख्ये च स्थित दूतावासें भारती समुदाय दे कन्नै राबता बनाई रक्खे दा ऐ। भारत नै ईरान ते इजराइल गी हिंसा थमां दूर रौहने ते कूटनीति दी बत्ता पर परतोने दी गुजारश कीती ऐ। इस सरबंधै च भारत दे विदेश मंत्री डॉ. एस.जयशंकर होरें ईरान ते इजराइल दे विदेश मंत्रिणं कन्नै टैलीफोन राणं गल्लबात कीती। डॉ. जयशंकर होरें ईरान दे विदेश मंत्री हुसैन

अमीर अब्दुल्ला हुंदे नै गल्ल कीती। MSC Iris दे 17 भारतीयें दी रिहाई दा मुद्दा पुट्टेआ ते खित्ते दी मजूदा स्थिति पर बी चर्चा कीती।

<><><><><><>

Campaign

लोकसभा चुनावें दे पैहले गेड़ लेई प्रचार तेज होई गेआ ऐ। सियासी पार्टिं दे प्रमुख नेता मुख्य भरै च रैलियां ते रोड शो करै करदे न। पैहले गेड़ च 17 राज्यें ते केन्द्र शासत प्रदेशों दी कुल 102 सीटें पर 19 अप्रैल गी वोट पोआए जांगन। लोकसभा दे पैहले गेड़ दे चुनावें गी दिक्खदे होई राजस्थान च कांग्रेस, बीजेपी सनें होरने सियासी पार्टिं चुनावें प्रचार च पूरी ताकत लाई दित्ती दी ऐ। बीजेपी दे वरिष्ठ नेता ते गृहमंत्री अमित शाह होर अज्ज जयपुर च रोड शो करगंन। एह रोड शो जयपुर दी चारदीवारी च सांगानेरी गेट थमां लेइयै छोटी रोपड़ तगर होग। एहदे लेई बीजेपी दे नेताएं ते कारकुनें उत्थें व्यापक तैआरियां कीतियां न। साढ़े संवाददाता मूजब शाह हुंदे अलावा बीजेपी दे होर केई बड्डे नेता ते कांग्रेस पार्टी दे नेता बी अज्ज प्रचार करगंन।

<><><><><><>

PM-Kerala

जियां के केरल च 26 अप्रैल गी दुए गेड़ च लोकसभा चुनावें लेई तैआरिं च तेजी आवा'रदी ऐ, बीजेपी दे वरिष्ठ लीडर ते प्रधानमंत्री नरेन्द्र मोदी हुंदा अज्ज एनडीए दे मेदवार डॉ. टी. एन.सरसु हुंदे समर्थन च चीरू वतनी च रैली करगंन जेहड़ा क्षेत्र आरक्षित हल्के अलाथुर तैह्त पौंदा ऐ। मगरा दिने ओह आट्टगंल लेई रवाना होंगन, जित्थें ओह कट्टकाडा च इक जनसभा गी संबोधत करगंन, इत्थें बीजेपी नै विदेश मामले दे राज्य मंत्री वी.मुरलीधरण गी पार्टी दे मेदवार दे तौरा पर चुनावें मैदान च तोआरेआ ऐ। श्री मोदी होर दपैहरी तगर कोच्चि च पुज्जी जांगन ते मगरा नमीं दिल्ली लेई रवाना होई जांगन। केन्द्री रक्षा मंत्री राजनाथ सिंह हुंदा बी औंदे वीरवारें एनडीए दे प्रचार लेई केरल च पुज्जने दा कार्यक्रम ऐ। कांग्रेस दे वरिष्ठ नेता ते वायनाड लोकसभा हल्के दे मेदवार राहुल गांधी कल ते ओहदे अगले ध्याड़े इस हल्के च प्रचार करगंन। कांग्रेस अध्यक्ष मल्लिकार्जुन खरगे 20 तरीक ते महा सचिव प्रियंका गांधी 22 तरीक गी केरल च प्रचार करगंन। सीपीआई(एम) महासचिव सीताराम येचुरी होर कसरगोड ते कन्नूर हल्के च कल प्रचार करगंन। औने आले दिनें च केरल च एलडीएफ

दी प्रचार मीटिंगें च पॉयलट ब्यूरो दे मिंबर प्रकाश कारात ते सीपीआई दे महासचिव डी.राजा होर बी शामिल होंगन।

<><><><><><>

Congress

कांग्रेस अध्यक्ष मल्लिकार्जुन खरगे होरें भारती जनता पार्टी दी निंदेया करदे होई आक्खेआ ऐ जे बीजेपी भ्रष्टाचार आस्तै कांग्रेस उप्पर दोष लांदी ऐ पर भ्रष्टाचार दे आरोपें दा सामना करै करदे 23 कांग्रेसी सदस्यें गी अपनी पार्टी च शामिल करी लैंदी ऐ। खरगे होरें नागपुर च इक जनसभा गी संबोधत करदे होई आक्खे जे बीजेपी ते ओह्दे नेताएं उनें आरोप लाया जे देश च बेरोजगारी ऐ ते अर्थ-बवस्था बी हेठ जा करदी ऐ।

<><><><><><>

Weather

भारती मौसम विभाग नै भविष्यवाणी कीती ऐ जे जारी बरखा दे कन्नोकन्नी दरमेयाने दर्जे दी गरजना, बिजली चमकने, तेज बहारु दे चलने ते ऐन-गड़ा पौने दी संभावना, उत्तर पच्छमी भारत च अगले 24एं घैंटे च दिक्खी जाई सकदी ऐ ते मगरा एह्दे च कमी आँग। भारती मौसम विभाग नै आक्खेआ ऐ जे जम्मू कश्मीर, गिलगित, बल्तीस्तान, मुज्जफराबाद, हिमाचल प्रदेश ते उत्तराखंड च अज्ज हल्के थमां दरमेयाने दर्जे दी बरखा, अंधी-झक्खड़ चलने, बिजली चमकने दे कन्नोकन्नी 40 किलोमीटर फही घैंटे दी रफतार कन्नै बहारु दे चलने दी शैंका जताई ऐ। जिल्ले के पच्छम-उत्तर प्रदेश, पंजाब, हरियाणा, चंडीगढ़, दिल्ली, राजस्थान ते मध्यप्रदेश च अज्ज 40 किलोमीटर फही घैंटे दी रफतार कन्नै बहारु दे चलने कन्नै बरखा बरने, बिजली चमकने ते मौसम खराब रौहने दी संभावना ऐ। इस अवधि दरान गै जम्मू खित्ते, हिमाचल प्रदेश ते उत्तराखंड च बी बक्ख-बक्ख थाहरें ऐन-गड़ा पौने दी संभावना ऐ।

<><><><><><>

EC Haryana

हरियाणा दे मुख् चुनां अधिकारी अनुराग अग्रवाल होरें आक्खेआ ऐ जे राज्य च सी-वीजिल ऐप राएं मैहकमे च अर्जे तगर इक जहार 666 शकैतां हासल होइयां न। जिंदे चा इक जहार 383 जायज न ते ते उंदा निबेड़ा नियमें मताबक कीता गोआ ऐ। इंदे च अम्बाला जिले दियां

त्रै सौ 48 शकैतां, भिवानी जिले च 53, फरीदाबाद च 62, फतेहबाद च 64, गुरुग्राम च 98, हिसार च 103, जज्जर च 21, जिंद च 34, केथाल च 33, करनाल च 16, कुरुक्षेत्र च 44, महेन्द्रगढ़ च त्रै, पानीपत च 10, रिवाड़ी च 6, रोहतक च 63, सिरसा च 367, सोनीपत च 116 ते जमुनानगर च 52 शकैतां शामिल न।

<><><><><><>

Vaishno Devi

नराते शुरू होने थमां लेइयै अजे तगर ढाई लक्ख थमां बद्ध श्रद्धालुएं श्री माता वैष्णो देवी जी दी पवित्र गुफा च मत्था टेकेआ ऐ। श्राईन बोर्ड दे अधिकारिएं मूजब एह रश मेद ऐ जे नौमी तोड़ी तारी रौहग। श्राईन बोर्ड नै नराते दरान बड़े मते रश गी दिक्खदे होई लोड़चदे इंतजाम कीते दे न। हर रोज करीबन 40 ज्हार थमां 50 ज्हार श्रद्धालु कटरा पुज्जा'रदे न।

<><><><><><>

SC-Kejriwal

सुप्रीम कोर्ट अज्ज दिल्ली दे मुख्मंत्री ते आम आदमी पार्टी दे नेता अरविंद केजरीवाल हुंदी शराब नीतिमामले च प्रवर्तन निदेशालय आस्सेआ कीती गेदी गिरफ्तारी गी चुनौती देने आली याचिका पर सुनवाई करोग। न्यायमूर्ति संजीव खन्ना ते दीपांकर दत्ता इस मामले दी सुनवाई करगंन। दिल्ली हाई कोर्ट नै इस म्हीने दी 9 तरीक गी आम आदमी पार्टी दे नेता केजरीवाल हुंदी गिरफ्तारी गी चुनौती देने आली याचिका खारज करी दित्ती ही। ईडी नै केजरीवाल होरें गी जंदी 21 मार्च गी गिरफ्तार कीता हा।

<><><><><><>

IPL

आईपीएल क्रिकेट च जंदी रातीं मुंबई दे वानखेड़े स्टेडियम च होए दे मकाबले च चेन्नई सुपर किंग्स नै मुंबई इंडियन्स गी 20 रंजे कन्नै हराई दित्ता। पैहले बल्लेबाजी करदे होई चेन्नई दी टीम नै 20 ओवरें च 4 विकेटां मुआइयै 206 रंज बनाए। चेन्नई दी तरफा ऋतुराज गायकवाड़ नै 69 रंज ते शिवम दूबे नै 66 रंज बनाए। लक्ष्य दा पिच्छा करदे होई मुंबई दी टीम 20 ओवरें च 6 विकेटां मुआइयै 186 रंज गै बनाई सकी। मुंबई दी तरफा रोहित शर्मा नै 63 गेंदें च 105 रंजे दी नाबाद पारी खेड्डी। पर उंदी एह पारी बी उंदी टीम गी जित्त नेई

दोआई सकी। एह्दे शा पैहले कोलकाता दे ईडन गार्डन च कोलकाता नाईट राईडर्स नै लखनऊ सुपर जायंटस गी 8 विकटें कन्नै हराया। 162 रंजें दे लक्ष्य दा पिच्छा करदे होई कोलकाता नाईट राईडर्स नै 16में ओवर च दऊं विकटें दे नुक्सान पर जित्त हासल कीती। लखनऊ सुपर जायंटस नै 20 ओवरें च 7 विकटें पर 161 रंज बनाए हे। आईपीएल च अज्ज बेंगलुरु च रॉयल चैलेंजर्स बेंगलोर दा मकाबला सनराईजर्स हैदराबाद कन्नै होग।

<><><><><><>

Olympic Shooting

ब्राजील च ऑंपिक नशानेबाजी क्वालिफिकेशन प्रतियोगिता च महिलाएं दे 10 मीटर एयर सिस्टल मकाबले च भारत दी पलक नै कैह दा तगमा जित्तियै पैरिस ओलंपिक लेई कोटा हासल करी लैता ऐ। फाईनल च पलक नै 217.6 अंक हासल करियै त्रीह थाहर हासल कीती। भारत दी गै संयम 5मीं थाहरै पर रेही। उनें 176.7 अंक हासल कीते। भारत नै पैरिस ओलंपिक लेई नशानेबाजी च हुनै तगर कुल 20 कोटा थाहर हासल करी लैते न।

<><><><><><>